

Digicel ta di acuerdo cu tarifa stipula door di Huez

ORANJESTAD (AAN): E problema cu interconexcion entre Setar y Digicel a pone cu un biaha mas nan a bay Corte pa trata di atende e asunto aki. For di algun fuente a tende cu Digicel tabatin idea originalmente di drenta den servicio dia 1 di Juli. Pero ainda e interconexcion no a keda cla, específicamente acuerdo riba tarifa di interconexcion.

Isaac Waincier di Digicel, a splica cu nan ta satisfecho cu e decision di Huez. E enfoke di nan semper tabata riba e interconexcion, y e ta muestra cu e sentencia di Diahuebs ta pone cu Setar mester conecta e 'aorta' principal entre Digicel y Setar.

El a muestra cu e negociacionnan cu ta bay cuminsa bao di guia di e Regulador Independiente di Hulanda lo ta bon pa asina na final di cuenta e consumidor di Aruba lo sali beneficia.

Ki fecha Digicel lo cuminsa opera awor? Isaac Waincier no kier a divulga e fecha nobo. Unico cu falta ainda ta e Keuring di parti DTZ cu a cuminsa Diahuebs mainta, y nan ta spera cu e lo keda cla pronto.

Digicel lo tin di bay cambia su tarificanan na consumidornan, como cu e tarifa di interconexcion cu Setar lo ta diferente? Waincier a muestra cu nan lo bay check si acaso

esaki lo tin influencia riba prijs pa consumidor. Nan meta tey keto bay pa tin e prijs mas abao riba mercado.

TARIFA DI INTERCONEXCION: Isaac Waincier a muestra cu ta realmente 3 diferente tarifa tin den e asunto di Interconexcion di Setar y Digicel.

Tarifa 1: Bo tin e tarifa cu Digicel ta paga Setar, ora cu un abonado di Digicel yama un abonado di Setar celular, y ta 28 cent.


Tarifa 2: Bo tin e tarifa cu Setar ta paga Digicel, ora cu un abonado di Setar celular yama un abonado di Digicel, y ta 28 cent.

Tarifa 3: Bo tin e tarifa cu Setar ta paga Digicel, ora cu un abonado di Setar linea fiho ta yama un abonado di Digicel, y ta 9,14 cent.

Isaac Waincier a splica cu Digicel por biba cu e tarifa aki stipula door di Huez. Nan no tin problema cune. Pero si ta informa, cu e 'imagen' cu Setar a leak den pueblo den pasado esta cu Setar mester paga Digicel 28 cent, y Digicel en cambio tin di paga Setar 4 cent so... no ta basa riba berdad. Nunca!



KI DIA PAYASADA NAN AKI TA CABA!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Roller Slide

**Roller
Slide
Afl. 35,=**

TELEFONNAN

DI DIARIO

582-6747

FAX

582-8551